



**BOECHII  
PIIN NGEA  
BA  
WOLF  
NGEA L'AGRUW  
KEA FLOOREAS**



written & illustrated by Pin



**PALM**



**LANGUAGES**



Qii yaen i reeb ea rraan  
ni kaakadbuul mea  
yib boechii piin ni bea  
faafeal u kanaawoq  
mea guy boechi  
kea flooreas mea  
gaqar,

"Ba qaraay ba kea  
falooreas ni gu ba  
qadaag."



Ma rea kea falooreas  
neam ea baay u charean  
ba naqun ni ba gaaq.

"Suusun ea miniiq  
ea fiqin ea rea  
kea falooreas ney."



Ma bea guy fa chii  
piin fa rea kea  
falooreas ma ri ba  
qadaag yaqan.  
Qeree gadar,

"Sanaa nga gu fiith  
ko miniiq ea naqun  
rook' ea bi ney."



Ma qeree gaqar,

"Sanaa ba feal' ni  
nga gu t'aer ea rea  
falooreas ney."



**PALM**



**LANGUAGES**



Ma rea naqun neam  
 ea ri ba yoqor thael  
 hi ri ba maenigil  
 yaqan. Qeree kii gaqar  
 fa chii piin,



Mea gaqar,



**PALM**




**LANGUAGES**





Ma nap'an nii yaen fa  
chii piin ni kea chuu-  
chuguur nga laan ea  
lawaay ma kii yaen i  
suk' nga ku boechi  
kean ea falooreas.  
Ma qeree ri kii gin  
qawochean ngaay ya ri  
ku ba feal' yaqan.



"Sanaa ka ba feal' ni  
nga gu waen nga fin  
gu suul ma gu t'aer  
ea bi ney ea faloo-  
reas, yaa ri ku ba  
feal' yaqan."



Ma ka rii falfal-aen'  
ma qii qog nga laang  
ma bea taang naag fa  
chi kea falooreas.  
Mea gaqar.



**PALM**



**LANGUAGES**



Ma nap'an ni kii kan  
boech nga fidik' ea  
paan, ma faqän i  
saap ma kea yib ba  
wolf ngaak'. Mea  
gaqar ngaak'.

Mea gaqar fa rea wolf  
ngaak'.



Ma qeree rii falfal-aen'  
fa chii piin ngaak'  
fa rea wolf. Mea  
gaqar ngaak',

Mea gaqar fa rea wolf,



**PALM**



**LANGUAGES**



Mea gaqar fa chii  
piin ngaak' fa rea  
wolf.

"Gaeg ea gu ba qadaag  
ni nga gu waen boech  
u fidik' ea paan. Yaa  
ka gu chaelubaan u  
täfenaag ni daariy  
beaq ni gamow bea  
faafeal. Kea mus nii  
gaeg ngea pilabithir  
roog ea gamaed bea  
paer."

Mea gaqar fa rea  
wolf.

"Qer rogon ku raa  
chaelubaan beaq ko  
labthir!"



Mea gaqar fa chii  
piin,

"Kea feal', nga mu maen  
yaa nga ku gu waen yaa  
gu bea guur ni nga gu  
suul nga tafēnaag."



Mea gaqar fa rea wolf.

"Qer rogon yaa gaeg ea  
ku gu bea guar yaa kea  
misiiq' ngoog."



**PALM**



**LANGUAGES**





Ma qaram ma yow daar  
 ngea ba gayow mea  
 soor ko gi ni bea  
 yaen ngaay. Mea yaen  
 fa chii piin boech nga  
 fidik' ea paan. Ma  
 fa rea wolf ea soor  
 nga doonguch ni ka  
 rii guurguur naag qiir.



Ma faqan i taaw fa  
 rea wolf nga taan ba  
 kea gaak'iy ma ka rii  
 magaer. Ma ku kea  
 wear ea qathuw u  
 dakean. Mea gaqar  
 ko taafinaey rook',



"Nga gu paer u roey  
 u taanggin ea rea kea  
 gaak'iy ney yaa ka  
 ri gu magaer. Ma  
 sanaa raa yib fa chi  
 piin ma raa yib u  
 roey."



**PALM**




**LANGUAGES**



Ma kii gaqar,



"Gaeg ea daawor gu  
guy reeb ea bpiin u  
baang ni boed rogon  
ea bi ney ea bpiin.  
Yaa ka yigii paag fean  
ea pidooraang, ma  
sanaa ri ku ba feal'  
ni malaang."



Ma qeree yaen i paer  
nga taan fa rea kea  
gaak'iy ni ka rii  
falfal-aen', ma qeree  
qii leam.



"Qahaahaa! Goeg  
ngoom gaeg ea ka  
ba feal' boech ea  
wool roog ea bi ni  
daqir ea rraan. Yaa  
fin ku daqir ea nga  
fin ku gu thum'aag  
ba yaay."



**PALM**



**LANGUAGES**






Ma fa chii piin ea  
yaen boechquw nga  
fidik' ea paan ma  
kii cheal ngea suul.  
Yaa kea guy ni kea  
baleayaal', qeree  
suul ni bea suul i  
yaen nga tafean. Mea  
gaqar,

"Qaram ea gaeg ea  
nga gu suul yaa kea  
baleayaal'. Ma ka  
baay fa gäl kea  
falooreas roog ni ku  
gu raa feek."



Ma qaram ea mea cheal  
ngea suul. Mea gaqar,

"Maang ea yugu daab  
ku gu madaq gow  
fa rea wolf, yaa nii  
chëy mealanguy-eeg  
ea rea wolf neam, ma  
ku gu bea taamdaag  
ngaak'.




**PALM**



**LANGUAGES**



Ma nap'an nii suul i  
yib nga charean fa  
rea kea gaak'iy mea  
guy fa rea wolf u  
taanggin fa rea kea  
gaak'iy ni bea mool.  
Ma qeree rii gin qawo-  
chean ngaak' ma ka  
rii taataamdaag.



Mea gaqar u taafinaey  
rook',

"Qaram ea nga gu n'aeg  
lingaag nga gu miil  
rook' ea rea wolf  
neey yaa raa qod ma  
raa languyeeg'."



Ma qaram mea n'aeg  
lingaan ngea miil  
ngea yaen i taaw ko  
fa gäl kea falooreas  
ngea taer ma qaram  
mea yaen ni ka rii  
falfal-aen'.



**PALM**



**LANGUAGES**



Mea yaen en. . . ngea  
yaen i madaq nga  
tafean ma ka bea mool  
fa rea wolf ni daar  
naaqab ni kea suul fa  
chii piin nga tafean.



**PALM**



**LANGUAGES**

